

Iris Oifigiúil an Aontais Eorpaigh

Eagrán Speisialta *

4 Samhain 2021



An t-eagrán Gaeilge

Reachtaíocht

Clár

II Gníomhartha neamhrechtacha

COMHAONTUITHE IDIRNÁISIÚNTA

- ★ Faisnéis maidir le teacht i bhfeidhm an Chomhaontaithe idir an tAontas Eorpach agus Poblacht na Cóiré maidir le gnéithe áirithe d'aersheirbhísí 1

RIALACHÁIN

- ★ Rialachán Cur Chun Feidhme (AE) 2021/1911 ón gCoimisiún an 27 Deireadh Fómhair 2021 lena leasaítear Iarscríbhinn II a ghabhann le Rialachán Cur Chun Feidhme (AE) 2021/620 a mhéid a bhaineann le stádas saor ó ghalair Chomhphobal Uathrialach na Gailíse agus Chomhphobal Uathrialach Principado de Asturias sa Spáinn ó ionfhabhtú coimpléasc *Mycobacterium tuberculosis*, lena leasaítear Iarscríbhinn VIII a ghabhann leis a mhéid a bhaineann le stádas saor ó ghalair Chomhphobal Uathrialach Islas Baleares, chúigí Huelva agus Sevilla agus réigiúin Azuaga, Badajoz, Merida, Jerez de los Caballeros agus Zafra i gcúige Badajoz sa Spáinn agus réigiún Alentejo agus cheantar Santarém i réigiún Lisboa e Vale do Tejo sa Phortaingéil ó ionfhabhtú an víris ghormtheanga, lena leasaítear Iarscríbhinn IX a ghabhann leis a mhéid a bhaineann le stádas saor ó ghalair Oileán Áland san Fhionlainn maidir le finió *Varroa spp* agus lena leasaítear Iarscríbhinn XIII a ghabhann leis a mhéid a bhaineann le stádas saor ó ghalair na Danmhairge agus na Fionlainne maidir le Neacróis fhuilghinte ionfhabhtaíoch ⁽¹⁾ 2
- ★ Rialachán Cur Chun Feidhme (AE) 2021/1912 ón gCoimisiún an 28 Deireadh Fómhair 2021 lena bhformheastar leasú ar an tsonraíocht a bhaineann leis an sonrúchán tionscnaimh faoi chosaint nó an tásca geografach faoi chosaint “Ardèche” (TGFC) 7
- ★ Rialachán Cur Chun Feidhme (AE) 2021/1913 ón gCoimisiún an 28 Deireadh Fómhair 2021 lena bhformheastar leasuithe ar an tsonraíocht ar shonrúchán tionscnaimh faoi chosaint nó ar thásca geografach faoi chosaint “Cotnari” (STFC) 8
- ★ Rialachán Cur Chun Feidhme (AE) 2021/1914 ón gCoimisiún an 28 Deireadh Fómhair 2021 lena mbronntar cosaint faoi Airteagal 99 de Rialachán (AE) Uimh. 1308/2013 ó Pharlaimint na hEorpa agus ón gComhairle ar an ainm ‘Île-de-France’ (TGFC) 9

⁽¹⁾ Téacs atá ábhartha maidir le LEE.

- ★ Rialachán Cur Chun Feidhme (AE) 2021/1915 ón gCoimisiún an 28 Deireadh Fómhair 2021 lena mbronntar cosaint faoi Airteagal 99 de Rialachán (AE) Uimh. 1308/2013 ó Pharlaimint na hEorpa agus ón gComhairle ar an ainm “Urueña” (STFC) 10
- ★ Rialachán (AE) 2021/1916 ón gCoimisiún an 3 Samhain 2021 lena leasaítear Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le haigéad 4-aimínea-5-(3-(iseapróipiolumínea)-2,2-démheitil-3-ocsóprópocsa)-2-meitiolcuineoilín-3-carbocsaileach a áireamh i liosta an Aontais de bhlastáin ⁽¹⁾ 11
- ★ Rialachán (AE) 2021/1917 ón gCoimisiún an 3 Samhain 2021 lena leasaítear Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le 2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéatamíd a áireamh i liosta an Aontais de bhlastáin ⁽¹⁾ 15

CINNÍ

- ★ Cinneadh (AE) 2021/1918 ón gComhairle an 28 Deireadh Fómhair 2021 maidir leis an seasamh atá le glacadh, thar ceann an Aontais Eorpaigh, i gComhchoiste LEE a bhaineann leis an leasú ar Phrótacal 31 maidir le comhar i réimsí ar leith lasmuigh de na ceithre shaoirse agus leis an leasú ar Phrótacal 37 ina bhfuil an liosta dá bhforáiltear in Airteagal 101 a ghabhann le Comhaontú LEE (Clár Spáis an Aontais Eorpaigh) ⁽¹⁾ 19
- ★ Cinneadh (AE) 2021/1919 ón gComhairle an 29 Deireadh Fómhair 2021 maidir leis an seasamh atá le glacadh thar ceann an Aontais Eorpaigh maidir le cinneadh a ghlacadh, trí nós imeachta i scríbhinn, ag na Rannpháirtithe sa Socrú maidir le Creidmheasanna Onnmhairiúcháin arna dTacú go hOifigiúil chun athbhreithniú a dhéanamh ar Thuiscint na hEarnála Giniúna Leictreachais Gualbhreoslaithe atá in Iarscríbhinn VI den Socrú sin 21

⁽¹⁾ Téacs atá ábhartha maidir le LEE.

II

(Gníomhartha neamhrechtacha)

COMHAONTUITHE IDIRNÁISIÚNTA

Faisnéis maidir le teacht i bhfeidhm an Chomhaontaithe idir an tAontas Eorpach agus Poblacht na Cóiré maidir le gnéithe áirithe d'aersheirbhísí

Tháinig an Comhaontú idir an tAontas Eorpach agus Poblacht na Cóiré maidir le gnéithe áirithe d'aersheirbhísí, a síníodh sa Bhruiséil an 25 Meitheamh 2020, i bhfeidhm an 1 Samhain 2021, i gcomhréir le hAirteagal 8(1) den Chomhaontú, toisc gur taisceadh an fógra deireanach an 5 Deireadh Fómhair 2021.

RIALACHÁIN

RIALACHÁN CUR CHUN FEIDHME (AE) 2021/1911 ÓN gCOIMISIÚN

an 27 Deireadh Fómhair 2021

lena leasaítear Iarscríbhinn II a ghabhann le Rialachán Cur Chun Feidhme (AE) 2021/620 a mhéid a bhaineann le stádas saor ó ghalair Chomhphobal Uathrialach na Gailíse agus Chomhphobal Uathrialach Principado de Asturias sa Spáinn ó ionfhabhtú coimpléasc *Mycobacterium tuberculosis*, lena leasaítear Iarscríbhinn VIII a ghabhann leis a mhéid a bhaineann le stádas saor ó ghalair Chomhphobal Uathrialach Islas Baleares, chúigí Huelva agus Sevilla agus réigiúin Azuaga, Badajoz, Merida, Jerez de los Caballeros agus Zafra i gcúige Badajoz sa Spáinn agus réigiún Alentejo agus cheantar Santarém i réigiún Lisboa e Vale do Tejo sa Phortaingéil ó ionfhabhtú an víris ghormtheanga, lena leasaítear Iarscríbhinn IX a ghabhann leis a mhéid a bhaineann le stádas saor ó ghalair Oileán Áland san Fhionlainn maidir le finíú *Varroa* spp agus lena leasaítear Iarscríbhinn XIII a ghabhann leis a mhéid a bhaineann le stádas saor ó ghalair na Danmhairge agus na Fionlainne maidir le Neacróis fhuilghinte ionfhabhtaíoch

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2016/429 ó Pharlaimint na hEorpa agus ón gComhairle an 9 Márta 2016 maidir le galair in-tarchurtha ainmhithe agus lena leasaítear agus lena n-aisghairtear gníomhartha áirithe i réimse na sláinte ainmhithe (“An Dlí maidir le Sláinte Ainmhithe”) ⁽¹⁾, agus go háirithe Airteagal 36(4) agus Airteagal 42(4) de,

De bharr an mhéid seo a leanas:

- (1) Le Rialachán (AE) 2016/429 leagtar síos rialacha sonracha maidir le galair i ndáil leis na galair a liostaítear i gcomhréir le hAirteagal 5(1) de, leagtar síos an chaoi a gcuirfeadh na rialacha sin i bhfeidhm i gcás catagóirí éagsúla galar liostaithe agus déantar foráil freisin maidir le stádas saor ó ghalair na mBallstát nó criosanna díobh a fhorhmeas nó a aistarraingt ag an gCoimisiún a mhéid a bhaineann le galair áirithe dá dtagraítear in Airteagal 9(1), pointe (b) agus pointe (c), de.
- (2) Le Rialachán Tarmligthe (AE) 2020/689 ón gCoimisiún ⁽²⁾, déantar forlíonadh ar Rialachán (AE) 2016/429 agus leagtar síos na coinníollacha maidir le stádas saor ó ghalair a dheonú, a choinneáil ar bun, a chur ar fionraí agus a tharraingt siar.
- (3) Sna hIarscríbhinní a ghabhann le Rialachán Cur Chun Feidhme (AE) 2021/620 ón gCoimisiún ⁽³⁾, liostaítear na Ballstáit nó criosanna díobh a bhfuil stádas saor ó ghalair acu. I measc criosanna eile, liostaítear ann criosanna atá saor ó ionfhabhtú coimpléasc *Mycobacterium tuberculosis* (*Mycobacterium bovis*, *M. caprae* agus *M. tuberculosis*) (MTBC) in Iarscríbhinn II, Cuid I, a ghabhann leis, criosanna atá saor ó ionfhabhtú víris gormtheanga (séiritíopaí 1-24) (ionfhabhtú BTV) in Iarscríbhinn VIII, Cuid I, a ghabhann leis, criosanna atá saor ó fhíniú *Varroa* spp. in Iarscríbhinn IX a ghabhann leis agus criosanna nó urranna a bhfuil stádas saor ó ghalair acu maidir le Neacróis fhuilghinte ionfhabhtaíoch (IHN) in Iarscríbhinn XIII, Cuid I, a ghabhann leis.

⁽¹⁾ IO L 84, 31.3.2016, lch. 1.

⁽²⁾ Rialachán Tarmligthe (AE) 2020/689 ón gCoimisiún an 17 Nollaig 2019 lena bhforlíontar Rialachán (AE) 2016/429 ó Pharlaimint na hEorpa agus ón gComhairle a mhéid a bhaineann le rialacha maidir le faireachas, cláir dhíothaithe agus stádas saor ó ghalair do ghalair áirithe atá liostaithe agus ag teacht chun cinn (IO L 174, 3.6.2020, lch. 211).

⁽³⁾ Rialachán Cur Chun Feidhme (AE) 2021/620 ón gCoimisiún an 15 Aibreán 2021 lena leagtar síos rialacha maidir le cur i bhfeidhm Rialachán (AE) 2016/429 ó Pharlaimint na hEorpa agus ón gComhairle a mhéid a bhaineann le formheas an stádais saor ó ghalair agus an stádais neamh-vacsainithe atá ag Ballstát áirithe nó ag criosanna nó urranna díobh i ndáil le galair áirithe liostaithe agus formheas na gclár díothaithe le haghaidh na ngalar liostaithe sin (IO L 131, 16.4.2021, lch. 78).

- (4) De bharr na stáide eipidéimeolaíche i gcás galair áirithe a bheith ag athrú, is gá iarscríbhinní II, VIII, IX agus XIII a ghabhann le Rialachán Cur Chun Feidhme (AE) 2021/620 a leasú chun Ballstáit nua nó criosanna nua atá saor ó ghalair a liostú agus chun limistéir ar limistéir iad ina ndeimhnítear ráigeanna galair agus dá bhrí sin nach bhfuil na coinníollacha maidir le stádas saor ó ghalair a choinneáil ar bun á gcomhlíonadh acu a thuilleadh a dhlíostú.
- (5) Chuir an Spáinn faisnéis faoi bhráid an Choimisiúin lena léirítear i ndáil leis na coinníollacha maidir le stádas saor ó ghalair MTBC a aithint ar coinníollacha iad a leagtar síos i Rialachán Tarmligthe (AE) 2020/689, go bhfuil na coinníollacha sin á gcomhlíonadh i gcúigí La Coruña, Orense agus Lugo i gComhphobal Uathrialach na Gailíse. Liostaíodh an ceathrú cúige sa Chomhphobal Uathrialach sin, Pontevedra, cheana féin mar chrios atá saor ó MTBC in Iarscríbhinn II, Cuid I, a ghabhann le Rialachán Cur Chun Feidhme (AE) 2021/620. Dá bhrí sin, ba cheart Pobal Uathrialach na Gailíse ina iomlán a liostú mar chrios atá saor ó MTBC.
- (6) Chuir an Spáinn faisnéis faoi bhráid an Choimisiúin lena léirítear i ndáil leis na coinníollacha maidir le stádas saor ó ghalair MTBC a aithint, ar coinníollacha iad a leagtar síos i Rialachán Tarmligthe (AE) 2020/689, go bhfuil siad á gcomhlíonadh i gComhphobal Uathrialach Principado de Asturias. Dá bhrí sin, tá an Comhphobal Uathrialach sin le liostú mar chrios atá saor ó MTBC.
- (7) Thug an Spáinn fógra don Choimisiún maidir le ráig ionfhabhtaithe BTV Séiritíopa 4 i gComhphobal Uathrialach Islas Baleares agus ina dhiaidh sin ráigeanna breise a raibh tionchar acu ar réigiúin Sierra Oriental agus Sierra Occidental i gcúige Huelva, réigiún Sierra Norte i gcúige Sevilla, agus na réigiúin Azuaga, Badajoz, Mérida, Jerez de los Caballeros agus Zafra i gcúige Badajoz. Ós rud é go liostaítear Comhphobal Uathrialach Islas Baleares, na réigiúin Sierra Oriental agus Sierra Occidental i gcúige Huelva, réigiún Cazalla de la Sierra (Sierra Norte) i gcúige Sevilla agus, go hintuigthe mar chuid de Chomhphobal Uathrialach Extremadura, na réigiúin Azuaga, Badajoz, Mérida, Jerez de los Caballeros agus Zafra ar fad mar chriosanna stádais saor ó ghalair in Iarscríbhinn VIII, Cuid I, a ghabhann le Rialachán Cur Chun Feidhme (AE) 2021/620, ba cheart iad a scriosadh ón liosta sin.
- (8) Thug an Phortaingéil fógra don Choimisiún maidir le ráigeanna ionfhabhtaithe BTV Séiritíopa 4 i réigiún Alentejo agus ina dhiaidh sin ráig bhreise i gceantar Santarém i réigiún Lisboa e Vale do Tejo. Ós rud é go n-áirítear Alentejo ina iomláine agus ceantar Santarém, mar chuid den Phortaingéil, go hintuigthe mar limistéir stádais saor ó ghalair in Iarscríbhinn VIII, Cuid I, a ghabhann le Rialachán Cur Chun Feidhme (AE) 2021/620, ba cheart réigiún Alentejo agus ceantar Santarém a eisiámh ón liosta sin.
- (9) Thug an Fhionlainn fógra don Choimisiún maidir le ráig fínithe *Varroa* spp. i mbardasacht Brändö Oileáin Åland. Liostaítear Oileáin Åland mar chrios stádais saor ó ghalair in Iarscríbhinn IX a ghabhann le Rialachán Cur Chun Feidhme (AE) 2021/620. Chuir an Fhionlainn in iúl don Choimisiún freisin, bunaithe ar imscrúdú eipidéimeolaíoch, nach bhfuil bardasachtaí eile buailte ag an ráig sin. Ba cheart bardasacht Brändö a scriosadh ón liosta de chriosanna atá saor ó ghalair.
- (10) Thug an Danmhairg fógra don Choimisiún maidir le ráigeanna den ghalar uisceach Neacróis fhuilghinte ionfhabhtáíoch (IHN) a bhí ann le déanaí i ndobharcheantair Varde Å, agus Kolding Å agus i loch Hove Kalkgrav, ar loch í a ndéantar iascach agus athstocáil uirthi. Faoi láthair, tá na limistéir sin ar áireamh i gcríoch na Danmhairge atá liostaithe mar limistéir saor ó ghalair in Iarscríbhinn XIII, Cuid I, a ghabhann le Rialachán Cur Chun Feidhme (AE) 2021/620. Ba cheart, dá bhrí sin, Iarscríbhinn XIII, Cuid I, a leasú chun na limistéir ionfhabhtaithe sin a eisiámh ó chríoch na Danmhairge atá saor ó ghalair.
- (11) Tá an Fhionlainn tar éis clár díothaithe a chur i gcrích go rathúil i gcás IHN lena n-áirítear urrann in Ii, Kuivaniemi, agus ceithre chrios, Virmasvesi, Nilakka, Saarijarvi agus Pielinen, agus dá éis sin rinne sí dearbhú saor ó ghalair i gcomhréir le hAirteagal 83 de Rialachán Tarmligthe (AE) 2020/689, le haghaidh na hurrainne sin agus na gcriosanna sin. Is iomchuí, dá bhrí sin, nach n-eisiatar iad a thuilleadh ó chríoch saor ó IHN an Bhallstáit sin. Ba cheart, dá bhrí sin, Iarscríbhinn XIII, Cuid I, a ghabhann le Rialachán Cur Chun Feidhme (AE) 2021/620 a leasú dá réir.
- (12) Ba cheart, dá bhrí sin, Iarscríbhinní II, VIII, IX agus XIII a ghabhann le Rialachán Cur Chun Feidhme (AE) 2021/620 a leasú dá réir.
- (13) Na bearta dá bhforáiltear sa Rialachán seo, is bearta iad atá i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinní II, VIII, IX agus XIII a ghabhann le Rialachán Cur Chun Feidhme (AE) 2021/620 i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an tríú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 27 Deireadh Fómhair 2021.

Thar ceann an Choimisiúin
An tUachtarán
Ursula VON DER LEYEN

IARSCRÍBHINN

Leasaítear Iarscríbhinní II, VIII, IX agus XIII a ghabhann le Rialachán Cur Chun Feidhme (AE) 2021/620 mar a leanas:

1. in Iarscríbhinn II, cuid I, cuirtear an méid seo a leanas in ionad na hiontrála a bhaineann leis an Spáinn:

Ballstát	Críoch
"An Spáinn	Comunidad Autónoma de Canarias Comunidad Autónoma de Galicia Comunidad Autónoma del Principado de Asturias"

;

2. in Iarscríbhinn VIII, cuid I, leasaítear an iontráil a bhaineann leis an Spáinn mar a leanas:

a. scriostar na limistéir seo a leanas:

"Comunidad Autónoma de Islas Baleares", "Cúige Huelva, na réigiúin seo a leanas: Aracena (Sierra Oriental) agus Cortegana (Sierra Occidental)" "Cúige Sevilla, an réigiún seo a leanas: Cazalla de la Sierra (Sierra Norte)" i "gComunidad Autónoma de Andalucía";

b. cuirtear an méid seo a leanas in ionad na hiontrála a bhaineann le Comunidad Autónoma de Extremadura:

"Comunidad Autónoma de Extremadura, seachas na réigiúin seo a leanas: Azuaga, Badajoz, Mérida, Jerez de los Caballeros agus Zafra i gcúige Badajoz";

3. in Iarscríbhinn VIII, cuid I, cuirtear an méid seo a leanas in ionad na hiontrála a bhaineann leis an bPortaingéil:

Ballstát	Críoch
"An Phortaingéil	An chríoch iomlán, seachas réigiúin Algarve agus Alentejo agus ceantar Santarém i réigiún Lisboa e Vale do Tejo"

;

4. in Iarscríbhinn IX, cuirtear an méid seo a leanas in ionad na hiontrála a bhaineann leis an bhFionlainn:

Ballstát	Críoch
"An Fhionlainn	Oileáin Åland, seachas bardasacht Brändö"

;

5. in Iarscríbhinn XIII, Cuid I, cuirtear an méid seo a leanas in ionad na hiontrála a bhaineann leis an Danmhairg:

Ballstát	Críoch
"An Danmhairg	An chríoch iomlán, seachas an limistéar thart ar Hove Kalkgrav suas le hachar 1 km ó lár na lochanna agus ó dhobharcheantair Rohden Å, Sneum Å, Vida, Lindenberg Å, Arhus Å, Varde Å, Kolding Å"

;

6. in Iarscríbhinn XIII, Cuid I, cuirtear an méid seo a leanas in ionad na hiontrála a bhaineann leis an bhFionlainn:

Ballstát	Críoch
"An Fhionlainn	An chríoch iomlán, seachas an urrann chósta arb éard atá inti na codanna sin de bhordasachtaí Föglö, Lumparland, Lemland, Vårdö atá laistigh de chiorcal ag a bhfuil ga 11,466 chiliméadar dar lár na gcomhordanáidí WGS84 domhanleithead 60,013565060°, domhanfhad 20,317617393"

RIALACHÁN CUR CHUN FEIDHME (AE) 2021/1912 ÓN gCOIMISIÚN
an 28 Deireadh Fómhair 2021

**lena bhformheastar leasú ar an tsonraíocht a bhaineann leis an sonrúchán tionscnaimh faoi chosaint
nó an tásc geografach faoi chosaint “Ardèche” (TGFC)**

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1308/2013 ó Pharlaimint na hEorpa agus ón gComhairle an 17 Nollaig 2013 lena mbunaítear comheagrú na margáí i dtáirgí talmhaíochta agus lena n-aisghairtear Rialacháin (CEE) Uimh. 922/72, (CEE) Uimh. 234/79, (CE) Uimh. 1037/2001, agus (CE) Uimh. 1234/2007 ón gComhairle ⁽¹⁾, agus go háirithe Airteagal 99 de,

De bharr an mhéid seo a leanas:

- (1) Scrúdaigh an Coimisiún an t-iarratas ar fhorghreann ar leasú ar shonraíocht an táisc gheografaigh faoi chosaint “Ardèche” a chuir an Fhrainc ar aghaidh i gcomhréir le hAirteagal 105 de Rialachán (AE) Uimh. 1308/2013.
- (2) D’fhoilsigh an Coimisiún an t-iarratas ar fhorghreann ar leasú ar an tsonraíocht in *Iris Oifigiúil an Aontais Eorpaigh* ⁽²⁾, de réir mar a cheanglaítear le hAirteagal 97(3) de Rialachán (AE) Uimh. 1308/2013.
- (3) Níl aon ráiteas agóide faighte ag an gCoimisiún faoi Airteagal 98 de Rialachán (AE) Uimh. 1308/2013.
- (4) Dá bhrí sin, ba cheart an leasú ar an tsonraíocht a fhorghreann i gcomhréir le hAirteagal 99 de Rialachán (AE) Uimh. 1308/2013.
- (5) Tá na bearta dá bhforáiltear sa Rialachán seo i gcomhréir le tuairim an Choiste um Chomheagrú na Margáí Talmhaíochta,

TAR ÉIS AN RIALACHÁN SEO A GHLACADH:

Airteagal 1

Tá na leasuithe ar an tsonraíocht a foilsíodh in *Iris Oifigiúil an Aontais Eorpaigh* maidir leis an ainm “Ardèche” (TGFC) formheasta anois.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 28 Deireadh Fómhair 2021.

Thar ceann an Choimisiúin,
Ar son an Uachtaráin,
Janusz WOJCIECHOWSKI
Comhalta den Choimisiún

⁽¹⁾ IO L 347, 20.12.2013, lch. 671.

⁽²⁾ IO C 288, 19.7.2021, lch. 20.

RIALACHÁN CUR CHUN FEIDHME (AE) 2021/1913 ÓN gCOIMISIÚN
an 28 Deireadh Fómhair 2021

lena bhformheastar leasuithe ar an tsonraíocht ar shonrúchán tionscnaimh faoi chosaint nó ar thásca geografach faoi chosaint “Cotnari” (STFC)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1308/2013 ó Pharlaimint na hEorpa agus ón gComhairle an 17 Nollaig 2013 lena mbunaítear comheagrú na margáí i dtáirgí talmhaíochta agus lena n-aisghairtear Rialacháin (CEE) Uimh. 922/72, (CEE) Uimh. 234/79, (CE) Uimh. 1037/2001, agus (CE) Uimh. 1234/2007 ⁽¹⁾ ón gComhairle, agus go háirithe Airteagal 99 de,

De bharr an mhéid seo a leanas:

- (1) Tá scrúdú déanta ag an gCoimisiún ar an iarratas ar leasuithe a fhorghnó ar shonraíocht sonrúchán tionscnaimh faoi chosaint “Cotnari”, a chuir an Rómáin ar aghaidh i gcomhréir le hAirteagal 105 de Rialachán (AE) Uimh. 1308/2013.
- (2) D’fhoilsigh an Coimisiún an t-iarratas ar fhorghnó ar na leasuithe ar an tsonraíocht in *Iris Oifigiúil an Aontais Eorpaigh*, de réir mar a cheanglaítear le hAirteagal 97(3) de Rialachán (AE) Uimh. 1308/2013 ⁽²⁾.
- (3) Níl aon ráiteas agóide faighte ag an gCoimisiún faoi Airteagal 98 de Rialachán (AE) Uimh. 1308/2013.
- (4) Dá bhrí sin, ba cheart na leasuithe ar an tsonraíocht a fhorghnó i gcomhréir le hAirteagal 99 de Rialachán (AE) Uimh. 1308/2013.
- (5) Tá na bearta dá bhforáiltear sa Rialachán seo i gcomhréir leis an tuairim ón gCoiste um Chomheagrú na Margáí Talmhaíochta,

TAR ÉIS AN RIALACHÁN SEO A GHLACADH:

Airteagal 1

Tá na leasuithe ar an tsonraíocht a foilsíodh in *Iris Oifigiúil an Aontais Eorpaigh* maidir leis an ainm “Cotnari” (STFC) formheasta anois.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 28 Deireadh Fómhair 2021.

Thar ceann an Choimisiúin,
Ar son an Uachtaráin,
Janusz WOJCIECHOWSKI
Comhalta den Choimisiún

⁽¹⁾ IO L 347, 20.12.2013, lch. 671.

⁽²⁾ IO C 284, 16.7.2021, lch. 20.

RIALACHÁN CUR CHUN FEIDHME (AE) 2021/1914 ÓN gCOIMISIÚN
an 28 Deireadh Fómhair 2021

lena mbronntar cosaint faoi Airteagal 99 de Rialachán (AE) Uimh. 1308/2013 ó Pharlaimint na hEorpa agus ón gComhairle ar an ainm 'Île-de-France' (TGFC)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1308/2013 ó Pharlaimint na hEorpa agus ón gComhairle an 17 Nollaig 2013 lena mbunaítear comheagraíocht na margáí i dtáirgí talmhaíochta agus lena n-aisghairtear Rialacháin (CEE) Uimh. 922/72, (CEE) Uimh. 234/79, (CE) Uimh. 1037/2001, agus (CE) Uimh. 1234/2007 ⁽¹⁾ ón gComhairle, agus go háirithe Airteagal 99 de,

De bharr an mhéid seo a leanas:

- (1) I gcomhréir le hAirteagal 97(2) agus (3) de Rialachán (AE) Uimh. 1308/2013, scrúdaigh an Coimisiún an t-iarratas a chuir an Fhrainc ar aghaidh an t-ainm 'Île-de-France' a chlárú agus tá sé foilsithe aige in *Iris Oifigiúil an Aontais Eorpaigh* ⁽²⁾.
- (2) Níl aon ráiteas agóide faighte ag an gCoimisiún faoi Airteagal 98 de Rialachán (AE) Uimh. 1308/2013.
- (3) I gcomhréir le hAirteagal 99 de Rialachán (AE) Uimh. 1308/2013, ba cheart an t-ainm 'Île-de-France' a chosaint agus a iontráil sa chlár dá dtagraítear in Airteagal 104 den Rialachán sin.
- (4) Tá na bearta dá bhforáiltear sa Rialachán seo i gcomhréir leis an tuairim ón gCoiste um Chomheagrú na Margáí Talmhaíochta,

TAR ÉIS AN RIALACHÁN SEO A GHLACADH:

Airteagal 1

Cosnaítear leis seo an t-ainm 'Île-de-France' (TGFC).

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 28 Deireadh Fómhair 2021.

Thar ceann an Choimisiúin,
Ar son an Uachtaráin,
Janusz WOJCIECHOWSKI
Comhalta den Choimisiún

⁽¹⁾ IO L 347, 20.12.2013, lch. 671.

⁽²⁾ IO C 290, 20.7.2021, lch. 20.

**RIALACHÁN CUR CHUN FEIDHME (AE) 2021/1915 ÓN gCOIMISIÚN
an 28 Deireadh Fómhair 2021**

lena mbronntar cosaint faoi Airteagal 99 de Rialachán (AE) Uimh. 1308/2013 ó Pharlaimint na hEorpa agus ón gComhairle ar an ainm “Urueña” (STFC)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1308/2013 ó Pharlaimint na hEorpa agus ón gComhairle an 17 Nollaig 2013 lena mbunaítear comheagraíocht na margáí i dtáirgí talmhaíochta agus lena n-aisghairtear Rialacháin (CEE) Uimh. 922/72, (CEE) Uimh. 234/79, (CE) Uimh. 1037/2001, agus (CE) Uimh. 1234/2007 ón gComhairle ⁽¹⁾, agus go háirithe Airteagal 99 de,

De bharr an mhéid seo a leanas:

- (1) I gcomhréir le hAirteagal 97(2) agus (3) de Rialachán (AE) Uimh. 1308/2013, scrúdaigh an Coimisiún an t-iarratas a chuir an Spáinn ar aghaidh an t-ainm “Urueña” a chhlárú agus tá sé foilsithe aige in *Iris Oifigiúil an Aontais Eorpaigh* ⁽²⁾.
- (2) Níl aon ráiteas agóide faighte ag an gCoimisiún faoi Airteagal 98 de Rialachán (AE) Uimh. 1308/2013.
- (3) I gcomhréir le hAirteagal 99 de Rialachán (AE) Uimh. 1308/2013, ba cheart an t-ainm “Urueña” a chosaint agus a iontráil sa chlár dá dtagraítear in Airteagal 104 den Rialachán sin.
- (4) Tá na bearta dá bhforáiltear sa Rialachán seo i gcomhréir leis an tuairim ón gCoiste um Chomheagrú na Margáí Talmhaíochta,

TAR ÉIS AN RIALACHÁN SEO A GHLACADH:

Airteagal 1

Cosnaítear leis seo an t-ainm “Urueña” (STFC).

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 28 Deireadh Fómhair 2021.

*Thar ceann an Choimisiúin,
Ar son an Uachtaráin,
Janusz WOJCIECHOWSKI
Comhalta den Choimisiún*

⁽¹⁾ IO L 347, 20.12.2013, lch. 671.

⁽²⁾ IO C 139, 20.4.2021, lch. 21.

RIALACHÁN (AE) 2021/1916 ÓN gCOIMISIÚN
an 3 Samhain 2021

lena leasaítear Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le haigéad 4-aimínea-5-(3-(iseapróipiolaímínea)-2,2-démheitol-3-ocsóprópocsa)-2-meitiolcuíneoilín-3-carbocsaileach a áireamh i liosta an Aontais de bhlastáin

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1334/2008 ó Pharlaimint na hEorpa agus ón gComhairle an 16 Nollaig 2008 maidir le blastáin agus maidir le comhábhair áirithe bia a bhfuil airíonna blaitithe acu agus atá le húsáid i mbianna agus ar bhianna agus lena leasaítear Rialachán (CEE) Uimh. 1601/91 ón gComhairle, Rialachán (CE) Uimh. 2232/96 agus Rialachán (CE) Uimh. 110/2008 agus Treoir 2000/13/CE ⁽¹⁾, agus go háirithe Airteagal 11(3) de,

Ag féachaint do Rialachán (CE) Uimh. 1331/2008 ó Pharlaimint na hEorpa agus ón gComhairle an 16 Nollaig 2008 lena mbunaítear nós imeachta comhchoiteann údaraithe maidir le breiseáin bia, maidir le heinsímí bia agus maidir le blastáin bia ⁽²⁾, agus go háirithe Airteagal 7(5) de,

De bharr an mhéid seo a leanas:

- (1) Le Iarscríbhinn I a ghabhann le Rialachán (CE) Uimh. 1334/2008 leagtar síos liosta Aontais de bhlastáin agus de bhunábhair a fhorhfeastar lena n-úsáid i mbianna agus ar bhianna agus coinníollacha a n-úsáide.
- (2) Le Rialachán Cur Chun Feidhme (AE) Uimh. 872/2012 ón gCoimisiún ⁽³⁾ glacadh an liosta de shubstaintí blaitithe agus tugadh isteach an liosta sin i gCuid A d'Iarscríbhinn I a ghabhann le Rialachán (CE) Uimh. 1334/2008.
- (3) Féadfar an liosta sin a thabhairt cothrom le dáta i gcomhréir leis an nós imeachta comhchoiteann dá dtagraítear in Airteagal 3(1) de Rialachán (CE) Uimh. 1331/2008 ar thionscnamh an Choimisiúin nó tar éis iarratas a fháil ó Bhallstát nó ó pháirtí leasmhar.
- (4) An 24 Feabhra 2015, cuireadh iarratas faoi bhráid an Choimisiúin maidir le húdarú le haigéad 4-aimínea-5-(3-(iseapróipiolaímínea)-2,2-démheitol-3-ocsóprópocsa)-2-meitiolcuíneoilín-3-carbocsaileach, (FL Uimh. 16.130) agus ceann dá shalainn, is é sin a shalann monaihiodráite heimeasulfáite, a úsáid mar shubstaintí blaitithe i mbianna éagsúla a thagann, go bunúsach, faoi roinnt catagóirí bia dá dtagraítear i liosta an Aontais de bhlastáin agus de bunábhair. De réir an iarratais, níl sé beartaithe ach amháin an tsubstaint sin agus a salann monaihiodráite heimeasulfáite, agus gan salainn eile den tsubstaint sin, a chur le bia mar bhlastáin. Thug an Coimisiún fógra don Údarás Eorpach um Shábháilteacht Bia ("an tÚdarás") agus d'iarr sé tuairim air. Chuir an Coimisiún an t-iarratas ar fáil do na Ballstáit freisin, de bhun Airteagal 4 de Rialachán (CE) Uimh. 1331/2008.
- (5) Ina thuairim uaidh a glacadh an 30 Samhain 2016 ⁽⁴⁾, rinne an tÚdarás meastóireacht ar shábháilteacht na substainte agus ar shábháilteacht a salainn monaihiodráite heimeasulfáite faoi FL Uimh. 16.130 araon. Thug sé faoi deara gur substaint í an tsubstaint sin a bhfuil airíonna a mhodhnaíonn an blaitiú aici agus tháinig sé ar an gconclúid nach bhfuil úsáid na substainte sin, ná úsáid a salainn monaihiodráite heimeasulfáite, ina cúis inné sábháilteachta nuair a bhaintear úsáid astu ag na leibhéil mheasta ionghabhála cothaithe.

⁽¹⁾ IO L 354, 31.12.2008, lch. 34.

⁽²⁾ IO L 354, 31.12.2008, lch. 1.

⁽³⁾ Rialachán Cur Chun Feidhme (AE) Uimh. 872/2012 ón gCoimisiún an 1 Deireadh Fómhair 2012 lena nglactar an liosta de shubstaintí blaitithe dá bhforáiltear le Rialachán (CE) Uimh. 2232/96 ó Pharlaimint na hEorpa agus ón gComhairle, lena dtugtar isteach in Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle é agus lena n-aisghairtear Rialachán (CE) Uimh. 1565/2000 ón gCoimisiún agus Cinneadh 1999/217/CE ón gCoimisiún (IO L 267, 2.10.2012, lch. 1).

⁽⁴⁾ EFSA Journal [Iris EFSA] 2017;15(1):4660.

- (6) I bhfianaise na tuairime ón Údarás, is iomchuí úsáid na substainte FL Uimh. 16.130 agus úsáid a salainn monaihiodráite heimeasulfáite a údarú mar shubstaintí blaistithe faoi na coinníollacha sonraithe úsáide ós rud é nach nach cúis inní sábháilteachta í a n-úsáid faoi na coinníollacha sin agus go meastar nach gcuirfean an tomhaltóir amú Ós rud é nach bhfuil sé beartaithe ach an salann monaihiodráite heimeasulfáite den tsubstaint lena mbaineann a chur le bia mar bhlastán, is iomchuí freisin a chur in iúl ar bhealach soiléir, ar mhaithe le soiléireacht, nach bhfuil feidhm ag Cuid A, Roinn 2, Nóta 1 den Iarscríbhinn a ghabhann le Rialachán (CE) Uimh. 1334/2008 maidir leis an tsubstaint sin.
- (7) Dá bhrí sin, ba cheart Iarscríbhinn I, Cuid A a ghabhann le Rialachán (CE) Uimh. 1334/2008 a leasú dá réir sin.
- (8) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn I, Cuid A a ghabhann le Rialachán (CE) Uimh. 1334/2008 i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 3 Samhain 2021.

Thar ceann an Choimisiúin
An tUachtarán
Ursula VON DER LEYEN

In Iarscríbhinn I, Cuid A, Roinn 2, Tábla 1 a ghabhann le Rialachán (CE) Uimh. 1334/2008, cuirtear isteach an iontráil seo a leanas maidir le FL Uimh. 16.130, i ndiaidh iontráil 16.127:

“16.130	Aigéad 4-aimínea-5-(3-(iseapróipiolaímínea)-2,2-démheitol-3-ocsóprópocsa)-2-meitiolcuineoilín-3-carbocsaileach	1359963-68-0	2204		99 % ar a laghad, measúnacht íosta (IR NMR MS)	<p>Nóta: Níl feidhm ag Iarscríbhinn I, Cuid A, Roinn 2, Nóta 1 a ghabhann le Rialachán (CE) Uimh. 1334/2008 maidir leis an tsubstaint sin.</p> <p>Srianta ar a úsáid mar shubstaint bhlaistithe arna sloinneadh mar shuim an aigéid charbocsailigh agus an tsalainn monaihiodráite heimeasulfáite i dteannta a chéile, arna sloinneadh mar an t-aigéad féin:</p> <p>I gcatagóir 1.4. – cion nach mó ná 10 mg/kg.</p> <p>I gcatagóir 1.6.3. – cion nach mó ná 30 mg/kg.</p> <p>I gcatagóir 1.8. – cion nach mó ná 30 mg/kg.</p> <p>I gcatagóirí 2.2.1. agus 2.2.2. – cion nach mó ná 30 mg/kg.</p> <p>I gcatagóir 3. – cion nach mó ná 30 mg/kg.</p> <p>I gcatagóir 4.2.3. – cion nach mó ná 10 mg/kg.</p> <p>I gcatagóir 4.2.4.1. – cion nach mó ná 30 mg/kg.</p> <p>I gcatagóir 4.2.4.2. – cion nach mó ná 10 mg/kg.</p> <p>I gcatagóirí 4.2.5.1., 4.2.5.2., 4.2.5.3. agus 4.2.5.4. – cion nach mó ná 30 mg/kg.</p> <p>I gcatagóirí 5.1. agus 5.2. – cion nach mó ná 30 mg/kg.</p> <p>I gcatagóir 5.3. – cion nach mó ná 300 mg/kg.</p> <p>I gcatagóir 5.4. – cion nach mó ná 30 mg/kg.</p>	An tÚdarás Eorpach um Shábháilteacht Bia”
	Salann monaihiodráite heimeasulfáite d’aigéad 4-aimínea-5-(3-(iseapróipiolaímínea)2-, 2-démheitol-3-ocsóprópocsa)-2-meitiolcuineoilín-3-carbocsaileach	1460210-04-1	2204.1		Comhchiallach: Aigéad 3-cuineoilíncarbocsaileach, 4-aimínea-5-[2,2-démheitol-3-[(1-meitileitol)aimínea]-3-ocsóprópocsa]-2meitol-, sulfáit, hidráit (2:1:2). 99 % ar a laghad, measúnacht íosta (HPLC).		

					<p>I gcatagóir 6.3. – cion nach mó ná 45 mg/kg.</p> <p>I gcatagóir 7.2. – cion nach mó ná 15 mg/kg.</p> <p>I gcatagóirí 8.3.1, 8.3.2. agus 8.3.3. – cion nach mó ná 15 mg/kg.</p> <p>I gcatagóirí 8.3.4.1., 8.3.4.2. agus 8.3.4.3. – cion nach mó ná 15 mg/kg.</p> <p>I gcatagóir 11.2. – cion nach mó ná 30 mg/kg.</p> <p>I gcatagóir 12.4. – cion nach mó ná 30 mg/kg.</p> <p>I gcatagóir 12.5. – cion nach mó ná 10 mg/l.</p> <p>I gcatagóirí 14.1.2., 14.1.3. agus 14.1.4. – cion nach mó ná 7 mg/l.</p> <p>I gcatagóirí 14.1.5.1. agus 14.1.5.2. – cion nach mó ná 7 mg/kg.</p> <p>I gcatagóir 14.2.1. – cion nach mó ná 7 mg/l.</p> <p>I gcatagóirí 14.2.2. agus 14.2.5. – cion nach mó ná 10 mg/l.</p> <p>I gcatagóir 15.1. – cion nach mó ná 30 mg/kg.</p> <p>I gcatagóir 16 (gan táirgí a chumhdaítear i gcatagóirí 1, 3 agus 5 a áireamh) – cion nach mó ná 15 mg/kg.</p>	
--	--	--	--	--	---	--

RIALACHÁN (AE) 2021/1917 ÓN gCOIMISIÚN
an 3 Samhain 2021

lena leasaítear Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le 2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéataimíd a áireamh i liosta an Aontais de bhlástáin

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1334/2008 ó Pharlaimint na hEorpa agus ón gComhairle an 16 Nollaig 2008 maidir le blastáin agus maidir le comhábhair áirithe bia a bhfuil airíonna blaitithe acu agus atá le húsáid i mbianna agus ar bhianna agus lena leasaítear Rialachán (CEE) Uimh. 1601/91 ón gComhairle, Rialachán (CE) Uimh. 2232/96 agus Rialachán (CE) Uimh. 110/2008 agus Treoir 2000/13/CE ⁽¹⁾, agus go háirithe Airteagal 11(3) de,

Ag féachaint do Rialachán (CE) Uimh. 1331/2008 ó Pharlaimint na hEorpa agus ón gComhairle an 16 Nollaig 2008 lena mbunaítear nós imeachta comhchoiteann údaraithe maidir le breiseáin bia, maidir le heinsímí bia agus maidir le blastáin bia ⁽²⁾, agus go háirithe Airteagal 7(5) de,

De bharr an mhéid seo a leanas:

- (1) Le hIarscríbhinn I a ghabhann le Rialachán (CE) Uimh. 1334/2008, leagtar síos liosta Aontais de bhlástáin agus de bhunábhair a fhorhóir le lena n-úsáid i mbianna agus ar bhianna agus coinníollacha a n-úsáide.
- (2) Le Rialachán Cur Chun Feidhme (AE) Uimh. 872/2012 ón gCoimisiún ⁽³⁾, glacadh an liosta de shubstaintí blaitithe agus tugadh isteach an liosta sin in Iarscríbhinn I, Cuid A, a ghabhann le Rialachán (CE) Uimh. 1334/2008.
- (3) Féadfar an liosta sin a thabhairt cothrom le dáta i gcomhréir leis an nós imeachta comhchoiteann dá dtagraítear in Airteagal 3(1) de Rialachán (CE) Uimh. 1331/2008 ar thionscnamh an Choimisiúin nó tar éis iarratas a fháil ó Bhallstát nó ó pháirtí leasmhar.
- (4) An 7 Nollaig 2015, cuireadh iarratas faoi bhráid an Choimisiúin maidir le húdarú le 2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéataimíd, (FL Uimh. 16.133), a úsáid mar shubstaint bhlaistithe i mbianna éagsúla a thagann, go bunúsach, faoi roinnt catagóirí bia dá dtagraítear i liosta an Aontais de bhlástáin agus de bunábhair. Tugadh fógra don Údarás Eorpach um Shábháilteacht Bia ("an tÚdarás") maidir leis an iarratas agus iarradh tuairim air. Chuir an Coimisiún an t-iarratas ar fáil do na Ballstáit freisin, de bhun Airteagal 4 de Rialachán (CE) Uimh. 1331/2008.
- (5) Ina thuairim uaidh a glacadh an 12 Meán Fómhair 2018 ⁽⁴⁾ rinne an tÚdarás meastóireacht ar shábháilteacht na substainte FL Uimh. 16.133 nuair a úsáidtear í mar shubstaint bhlaistithe agus tháinig sé ar an gconclúid nach bhfuil úsáid na substainte sin ina cúis inmí sábháilteachta nuair atá sí teoranta do leibhéil suas go dtí na leibhéil a shonraítear le haghaidh bianna éagsúla i gcatagóirí éagsúla bia. Thug an tÚdarás le fios freisin nach bhfuil feidhm ag a chonclúid féin ar shábháilteacht na substainte sin maidir leis an bhféidearthacht go gcuirfí an tsubstaint sin le deochanna neamh-theimhneacha nuair is féidir an tsubstaint a bheith faoi réir fóta-trasfhoirmiú. Níor cheart an blastáin sin a chur ach le bianna teimhneacha agus a phacáil i gcoimeádáin a chosnaítear ar an solas.

⁽¹⁾ IO L 354, 31.12.2008, lch. 34.

⁽²⁾ IO L 354, 31.12.2008, lch. 1.

⁽³⁾ Rialachán Cur Chun Feidhme (AE) Uimh. 872/2012 ón gCoimisiún an 1 Deireadh Fómhair 2012 lena nglactar an liosta de shubstaintí blaitithe dá bhforáiltear le Rialachán (CE) Uimh. 2232/96 ó Pharlaimint na hEorpa agus ón gComhairle, lena dtugtar isteach in Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle é agus lena n-aisghairtear Rialachán (CE) Uimh. 1565/2000 ón gCoimisiún agus Cinneadh 1999/217/CE ón gCoimisiún (IO L 267, 2.10.2012, lch. 1).

⁽⁴⁾ EFSA Journal [Iris EFSA] 2018;16(10):5421.

- (6) I gcomhréir le hAirteagal 15(1), pointe (c), de Rialachán (CE) Uimh. 1334/2008, ba cheart an fhaisnéis faoi na coinníollacha speisialta stórála agus úsáide a chur ar fáil don chustaiméir ar lipéadú na substainte bhlaistithe agus/nó ar lipéadú na n-ullmhóidí ar cuireadh an tsubstaint bhlaistithe sin leo. Ba cheart comhartha a bheith ar lipéadú na gcoimeádán, comhartha amhail “coimeádtar ó sholas”.
- (7) Thug an tÚdarás dá aire freisin gur substaint í FL Uimh. 16.133 ag a bhfuil airíonna a mhodhnaíonn an blaistiú.
- (8) Níl sé beartaithe an tsubstaint bhlaistithe sin a dhíol leis an tomhaltóir deiridh agus, dá bhrí sin, ba cheart an cás sin a sheachaint agus an tsubstaint á cur ar an margadh.
- (9) Ós rud é nach bhfuil úsáid na substainte FL Uimh. 16.133 mar shubstaint bhlaistithe ina cúis imní sábháilteachta faoi na coinníollacha sonraithe úsáide agus go meastar nach gcuirfean an tomhaltóir amú, is iomchuí an úsáid sin a údarú i bhfianaise na tuairime ón Údarás.
- (10) Dá bhrí sin, ba cheart Iarscríbhinn I, Cuid A, a ghabhann le Rialachán (CE) Uimh. 1334/2008 a leasú dá réir sin chun 2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéatamíd a áireamh i liosta an Aontais de bhlastáin.
- (11) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn I, Cuid A, a ghabhann le Rialachán (CE) Uimh. 1334/2008 i gcomhréir leis an Iarscríbhinn a ghabhann leis an Rialachán seo.

Airteagal 2

Ní údaraítear an tsubstaint bhlaistithe 2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéatamíd a dhíol leis an tomhaltóir deiridh.

Airteagal 3

I dteannta na gceanglas lipéadaithe maidir le blastáin nach bhfuil sé beartaithe iad a dhíol leis an tomhaltóir deiridh, agus i gcomhréir le hAirteagal 15(1), pointe (c), de Rialachán (CE) Uimh. 1334/2008, sonrú an fhaisnéis bhreise seo a leanas ar lipéadú na bpacáistí nó na gcoimeádán:

- “Tá an tsubstaint FL 16.133 ann. Cosnaítear ar sholas chun a fhóta-trasfhoirmiú a sheachaint.”;
- comhartha amhail “coimeádtar ó sholas”.

Airteagal 4

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 3 Samhain 2021.

Thar ceann an Choimisiúin
An tUachtarán
 Ursula VON DER LEYEN

In Iarscríbhinn I, Cuid A, Roinn 2, Tábla 1, a ghabhann le Rialachán (CE) Uimh. 1334/2008, cuirtear isteach an iontráil seo a leanas maidir le FL Uimh. 16.133:

“16.133	2-(4-meitilfeanocsa)-N-(1H-piorasól-3-il)-N-tiaifein-2-ilmeitil)aicéataimíd	1374760-95-8	2237		99 % ar a laghad, buaic-achar (UPLC-UV, 254 nm)	<p>1. Srianta ar a úsáid mar shubstaint bhlaistithe, sna catagóirí bia seo a leanas:</p> <p>I gcatagóir 1.4.: Táirgí bainne coipthe blaitithe teimhneacha, lena n-áirítear táirgí teaschoireáilte, iad pacáistithe i bpacáistíocht/coimeádáin theimhneacha – cion nach mó ná 3 mg/kg</p> <p>I gcatagóir 3.0.: reoiteoga teimhneacha, lena n-áirítear seirbit agus soirbéad, iad pacáistithe i bpacáistíocht/coimeádáin theimhneacha – cion nach mó ná 3 mg/kg</p> <p>I gcatagóir 5.1.: táirgí cócó teimhneacha agus táirgí seacláide teimhneacha, lena n-áirítear leaganacha bréige dá leithéid agus ionadaigh sheacláide, iad pacáistithe i bpacáistíocht/coimeádáin theimhneacha – cion nach mó ná 15 mg/kg</p> <p>I gcatagóir 5.2.: milseogra teimhneach, lena n-áirítear milseáin chrua agus bhoga, eithneagáin, etc., seachas na táirgí a thagann faoi chatagóirí 05.1, 05.3 agus 05.4, iad pacáistithe i bpacáistíocht/coimeádáin theimhneacha – cion nach mó ná 15 mg/kg</p> <p>I gcatagóir 5.3.: guma coganta teimhneacha, é pacáistithe i bpacáistíocht/coimeádáin theimhneacha – cion nach mó ná 150 mg/kg</p> <p>I gcatagóir 5.4.: maisiúcháin theimhneacha (e.g. le haghaidh earraí míne bÁCála, barrán (nach torthaí iad) agus anlainn mhilse), iad pacáistithe i bpacáistíocht/coimeádáin theimhneacha – cion nach mó ná 15 mg/kg</p> <p>I gcatagóir 12.5.: anraithí agus bratanna teimhneacha, iad pacáistithe i bpacáistíocht/coimeádáin theimhneacha – cion nach mó ná 3 mg/kg</p>	An tÚdarás Eorpach um Shábháilteacht Bia”
---------	---	--------------	------	--	---	---	---

					<p>I gcatagóir 12.6.: anlainn theimhneacha agus táirgí comhchosúla, iad pacáistithe i bpacáistíocht/coimeádáin theimhneacha – cion nach mó ná 15 mg/kg</p> <p>I gcatagóir 14.1.4.: deochanna blaitithe teimhneacha, i gcás deochanna déiríochta amháin, iad pacáistithe i bpacáistíocht/coimeádáin theimhneacha – cion nach mó ná 3 mg/kg</p> <p>I gcatagóir 16.: milseoga teimhneacha, gan táirgí a chumhdaítear faoi chatagóirí 1., 3. agus 4. a áireamh, iad pacáistithe i bpacáistíocht/coimeádáin theimhneacha – cion nach mó ná 3 mg/kg</p> <p>2. Ní údaraítear an tsubstaint bhlaistithe sin a dhíol leis an tomhaltóir deiridh.</p> <p>3. Sonrófar an fhaisnéis seo a leanas ‘tá an tsubstaint FL 16.133 ann’. Cosnaítear ar sholas chun a fhóta-trasfhoirmiú a sheachaint.’; Coimeádáin theimhneacha a bheidh sna coimeádáin. Beidh comhartha ar lipéadú na gcoimeádán, comhartha amhail ‘coimeádtar ó sholas’.</p>	
--	--	--	--	--	--	--

CINNÍ

CINNEADH (AE) 2021/1918 ÓN gCOMHAIRLE

an 28 Deireadh Fómhair 2021

maidir leis an seasamh atá le glacadh, thar ceann an Aontais Eorpaigh, i gComhchoiste LEE a bhaineann leis an leasú ar Phrótacal 31 maidir le comhar i réimsí ar leith lasmuigh de na ceithre shaoirse agus leis an leasú ar Phrótacal 37 ina bhfuil an liosta dá bhforáiltear in Airteagal 101 a ghabhann le Comhaontú LEE (Clár Spáis an Aontais Eorpaigh)

(Téacs atá ábhartha maidir le LEE)

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 189(2) de, i gcomhar le hAirteagal 218(9) de,

Ag féachaint do Rialachán (CE) Uimh. 2894/94 ón gComhairle an 28 Samhain 1994 a bhaineann le socruithe le haghaidh chur chun feidhme an Chomhaontaithe ar an Limistéar Eorpach Eacnamaíoch ⁽¹⁾, agus go háirithe Airteagal 1(3) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Tháinig an Comhaontú ar an Limistéar Eorpach Eacnamaíoch ⁽²⁾ ('Comhaontú LEE') i bhfeidhm an 1 Eanáir 1994.
- (2) De bhun Airteagal 98 de Chomhaontú LEE, féadfaidh Comhchoiste LEE cinneadh a dhéanamh, *inter alia*, Prótacail 31 maidir le comhar i réimsí ar leith lasmuigh de na ceithre shaoirse ('Prótacail 31') agus Prótacail 37 ina bhfuil an liosta dá bhforáiltear in Airteagal 101 ('Prótacail 37') a ghabhann le Comhaontú LEE a leasú.
- (3) Tá Rialachán (AE) 2021/696 ó Pharlaimint na hEorpa agus ón gComhairle ⁽³⁾ le hionchorprú i gComhaontú LEE. Ní bhaineann an leasú sin ach leis an Iorua agus leis an Íoslainn.
- (4) Ba cheart Prótacal 31 agus Prótacal 37 a ghabhann le Comhaontú LEE a leasú dá réir.
- (5) Dá bhrí sin, ba cheart seasamh an Aontais i gComhchoiste LEE a bheith bunaithe ar an dréachtchinneadh ó Chomhchoiste LEE,

TAR ÉIS AN CINNEADH SEO A GHLACADH:

Airteagal 1

Maidir leis an seasamh atá le glacadh aige thar ceann an Aontais i gComhchoiste LEE maidir leis an leasú atá beartaithe ar Phrótacal 31 maidir le comhar i réimsí ar leith lasmuigh de na ceithre shaoirse agus ar Phrótacal 37 ina bhfuil an liosta dá bhforáiltear in Airteagal 101 a ghabhann le Comhaontú LEE, beidh sé bunaithe ar an dréachtchinneadh ó Chomhchoiste LEE ⁽⁴⁾.

⁽¹⁾ IO L 305, 30.11.1994, lch. 6.

⁽²⁾ IO L 1, 3.1.1994, lch. 3.

⁽³⁾ Rialachán (AE) 2021/696 ó Pharlaimint na hEorpa agus ón gComhairle an 28 Aibreán 2021 lena mbunaítear Clár Spáis an Aontais agus Gníomhaireacht an Aontais Eorpaigh um an gClár Spáis agus lena n-aisghairtear Rialacháin (AE) Uimh. 912/2010, (AE) Uimh. 1285/2013 agus (AE) Uimh. 377/2014 agus Cinneadh LEE. 541/2014/AE (IO L 170, 12.5.2021, lch. 69).

⁽⁴⁾ Féach doiciméad ST 12908/21 ag <http://register.consilium.europa.eu>.

Airteagal 2

Tiocfaidh an Cinneadh seo i bhfeidhm ar dháta a ghlactha.

Arna dhéanamh sa Bhruiséil, 28 Deireadh Fómhair 2021.

Thar ceann na Comhairle

An tUachtarán

G. DOVŽAN

CINNEADH (AE) 2021/1919 ÓN gCOMHAIRLE**an 29 Deireadh Fómhair 2021**

maidir leis an seasamh atá le glacadh thar ceann an Aontais Eorpaigh maidir le cinneadh a ghlacadh, trí nós imeachta i scríbhinn, ag na Rannpháirtithe sa Socrú maidir le Creidmheasanna Onnmhairiúcháin arna dTacú go hOifigiúil chun athbhreithniú a dhéanamh ar Thuiscint na hEarnála Giniúna Leictreachais Gualbhreoslaithe atá in Iarscríbhinn VI den Socrú sin

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe d'Airteagal 207(4), an chéad fhomhír, i gcomhar le hAirteagal 218(9) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Na treoirlínte atá sa Socrú maidir le Creidmheasanna Onnmhairiúcháin arna dTacú go hOifigiúil (“an Socrú”) de chuid na hEagraíochta um Chomhar agus Forbairt Eacnamaíochta (“ECFE”), lena n-áirítear Tuiscint na hEarnála Giniúna Leictreachais Gualbhreoslaithe (“CFSU”) atá in Iarscríbhinn VI a ghabhann leis an Socrú, rinneadh iad a thrasú, agus dá bhrí sin, rinneadh ceangailteach ó thaobh dlí de iad san Aontas Eorpach le Rialachán (AE) Uimh. 1233/2011 ó Pharlaimint na hEorpa agus ón gComhairle ⁽¹⁾.
- (2) I gcomhréir le CFSU, tá na rannpháirtithe sa Socrú (na “Rannpháirtithe”) chun cinneadh a ghlacadh, trí nós imeachta i scríbhinn, chun athbhreithniú a dhéanamh ar CFSU agus é mar chuspóir aige a chuid téarmaí agus a chuid coinníollacha a neartú tuilleadh d’fhonn rannchuidiú leis an sprioc choiteann arb í aghaidh a thabhairt ar an athrú aeráide agus leanúint de bheith ag cur deireadh de réir a chéile leis an tacaíocht oifigiúil le haghaidh gléasraí cumhachta gualbhreoslaithe.
- (3) Ba cheart an cinneadh chun athbhreithniú a dhéanamh ar CFSU a bheith i gcomhréir le gealltanais idirnáisiúnta an Aontais Eorpaigh de bhun Chomhaontú Pháras agus bheartas aeráide an Aontais.
- (4) Ina conclúidí maidir le Taidhleoireacht Aeráide agus Fuinnimh – an ghné sheachtrach den Chomhaontú Glas don Eoraip a Bhaint Amach an 25 Eanáir 2021, d’iarr an Chomhairle go ndéanfaí fóirdheontais breosla iontaise atá díobhálach don chomhshaol a chéimniú amach ar bhonn domhanda de réir amlíne shoiléir agus go ndéanfaí aistriú cobhsaí cóir i dtreo aeráidneodrachta ar fud an domhain, lena n-áirítear deireadh a chur de réir a chéile le húsáid guail gan staonadh i dtáirgeadh fuinnimh agus, mar chéim thosaigh, deireadh láithreach a chur leis an maoiniú uile do bhonneagar nua le haghaidh guail i dtríú tíortha.
- (5) Is iomchuí an seasamh a bhunú atá le glacadh thar ceann an Aontais maidir le cinneadh a ghlacadh, trí nós imeachta i scríbhinn, ag na Rannpháirtithe chun athbhreithniú a dhéanamh ar CFSU, de bhrí go mbeidh an cinneadh ó na Rannpháirtithe ceangailteach ar an Aontas, agus go mbeidh sé in ann tionchar cinntitheach a bheith aige ar inneachar dhlí an Aontais, de bhua Rialachán (AE) Uimh. 1233/2011,

TAR ÉIS AN CINNEADH SEO A GHLACADH:

Airteagal 1

An seasamh atá le glacadh thar ceann an Aontais i ndáil le cinneadh a ghlacadh, trí nós imeachta i scríbhinn, ag na Rannpháirtithe chun athbhreithniú a dhéanamh ar Thuiscint na hEarnála Giniúna Leictreachais Gualbhreoslaithe atá in Iarscríbhinn VI a ghabhann leis an Socrú maidir le Creidmheasanna Onnmhairiúcháin arna dTacú go hOifigiúil de chuid na hEagraíochta um Chomhar agus Forbairt Eacnamaíochta, beidh sé bunaithe ar sheasamh an Aontais Eorpaigh ⁽²⁾.

⁽¹⁾ Rialachán (AE) Uimh. 1233/2011 ó Pharlaimint na hEorpa agus ón gComhairle an 16 Samhain 2011 maidir le treoirlínte áirithe a chur i bhfeidhm i réimse na gcreidmheasanna onnmhairiúcháin arna dtacú go hOifigiúil agus lena n-aisghairtear Cinntí 2001/76/CE agus 2001/77/CE ón gComhairle (IO L 326, 8.12.2011, lch. 45).

⁽²⁾ Féach doiciméad ST 12623/21 ar <http://register.consilium.europa.eu>.

Airteagal 2

Tiocfaidh an Cinneadh seo i bhfeidhm ar dháta a ghlactha.

Arna dhéanamh sa Bhruiséil, 29 Deireadh Fómhair 2021.

Thar ceann na Comhairle

An tUachtarán

G. DOVŽAN

ISSN 1977-0839 (leagan leictreonach)
ISSN 1725-2571 (leagan páipéir)